




ԳԵՐԱԾՆՈՐՀ Տ. ՀՄԱՅԱԿ ԵՊԻՍԿՈՊՈՍ ԻՆԴՈՅԱՆ

Նորասպասկ տ. Հմայակ եպիսկոպոսը, ավագանի անունով՝ Ազատ, մականունով՝ Հովսեփյան, ծնվել է 1908 թվականին Բղի գավառի Ապողնակ գյուղում:

Ապրիլյան եղեռնին ծնողների նահատակությունից հետո, որբացել է և ընկել Մալաթիայի, Սեբաստիայի և ապա Կորնթոսի ամերիկյան Նիլոր Իստ Ռիլիֆի որբանոցները:

1927 թվականին, լուսահոգի տ. Եղիշե Դուրյան պատրիարքի օրով, ընդունվել է Երուսաղեմի ս. Հակոբյանց վանքի Ժառանգավորաց վարժարան, որն ավարտել է 1932-ին, իսկ 1932—1935 թվականներին սովորել և ավարտել է ընծայարանի բաժինը՝ փայլուն հաջողությամբ:

1933 թվականին սարկավագ և 1936-ին՝ լուսակրոն քահանա է ձեռնադրվել լուսահոգի տ. Թորգոմ պատրիարք Գուշակյանի ձեռամբ:

Այնուհետև երիտասարդ հոգևորականի մտաջ բացվել է վանական, վարչական և ինվիզիտական ծառայության դաշտ:

1936—1945 թվականներին Երուսաղեմի ճայոց ս. Հակոբյանց վանքում վարել է պատասխանատու պաշտոններ. եղել է սրբալան պատրիարքի գավագանակիր, մատալարար, Տնօրեն ժողովի անդամ, միաժամանակ դասավանդել է մի շարք եկեղեցափոսական-կրոնական առարկաներ Ժամանակավորաց վարժարանում, ընծայարա-

նում և ս. Թորգոմանչաց նախակրթարանում:



1942 թվականին ստացել է վարդապետական, իսկ 1955-ին՝ ծայրագույն վարդապետական իշխանություն:

1945—1968 թվականներին պաշտոնավարել է որպես հոգևոր հովիվ մախ Հայֆայի և Եղիա եկեղեցում և ապա առավելապես՝ Կանադայի և Հյուսիսային Ամերիկայի արևելյան թեմի եկեղեցիներում, այդ թվում՝ Հելվեր Հիլի և Գրիգոր Լուսավորիչ, Լորենսի, Յունիոն Սիտիի, Նյու-Յորքի և Խաչ եկեղեցիներում և Թրոյի և Պետրոս եկեղեցում:

1951—1955 թվականներին եղել է ԱՄՆ-ի հայոց արևելյան թեմի թեմական խորհրդի անդամ և առեմապետ: Որպես եկեղեցական պատգամավոր 1955 թվականի հոկտեմբերին և Էջմիածնում մասնակցել է Ս. Ս. Վազգեն Ա Ամենայն Հայոց Հայրապետի ընտրության, օծման և գահակալության հանդիսություններին:

Ս. Հմայակ եպիսկոպոսը զբաղվել է մեծ գրականությամբ և հրապարակախոսությամբ: Նա աշխատակցել է «Սիոն» և «Հայաստանյայց եկեղեցի» ամսագրերին և ա-

մերիկահայ առաջադիմական մամուլին: Նրա գրչին են պատկանում «Ծանանչներ», «Ընդհանուր նշումներ» (Ա և Բ հատորներ) և «Հայրապետական պատմիրականություն ի Թեհրան» հուշագրական աշխատությունները:

Ս. Հմայակ եպիսկոպոսն իր ետին ունի շուրջ 40 տարիների եկեղեցական, կրթական, հովվական և քարոզչական քեղուն գործունեություն:

1974 թվականի օգոստոսին տ. Հմայակ ծ. վարդապետը Վեհափառ Հայրապետի կողմից հրավիրվել է աշխատանքի Մայր Աթոռ և սեպտեմբերի 29-ին եպիսկոպոս ձեռնադրվել՝ օծակից ունենալով տ. Ներսես և տ. Արիս ծ. վարդապետներին:

Ս. Հմայակ եպիսկոպոս Ինդյանը հայ եկեղեցու կարգ ու կանոնին մախանձախընդիր, պարտաճանաչ, ծառայասեր հոգևորական է, որ յուրովսանն և նվիրումով ծառայել է մեր ժողովրդի հոգևոր սպասին:

